

Ո Ր Ո Շ ՈՒ Մ N 0499

(մաքսային վճարների գանձման վերաբերյալ)

15 դեկտեմբերի 2014թ.

ք. Երևան

ՀՀ Ֆինանսների նախարարության Արարատյան տարածաշրջանային մաքսատան պետի տեղակալ Ա. Պապյանս, ուսումնասիրելով «Բուժիչ չիչխան» ՍՊ ընկերության (ՀՎՀՀ-01220803, ք. Երևան, Գ-3 թաղամաս, 8/18, գրանցման համար թիվ 271.110.01750) կողմից 2011 թվականի օգոստոսի 11-ին թիվ C 24812 ԲՄՀ-ով «Ներմուծում՝ ազատ շրջանառության համար» մաքսային ռեժիմով ձևակերպված նատրիումի բիկարբոնատի մաքսային ձևակերպման փաստաթղթերը,

Պ Ա Ր Զ Ե Ց Ի

«Բուժիչ չիչխան» ՍՊ ընկերությունը 2011 թվականի օգոստոսի 11-ին թիվ C 24812 ԲՄՀ-ով «Ներմուծում՝ ազատ շրջանառության համար» մաքսային ռեժիմով հայտարարագրել է նատրիումի բիկարբոնատ (սննդային սոդա), որի ավելացված արժեքի հարկի վճարումը, ըստ վերը նշված մաքսային հայտարարագրի, հետաձգվել է մինչև 13.08.2012թ., սակայն ընկերությունը սահմանված ժամկետում չի վճարել այդ ռեժիմով նախատեսված ավելացված արժեքի հարկը: Հայտարարագիրը 13.08.2011թ-ին ընդունվել է մաքսային մարմնի կողմից, ինչի կապակցությամբ հայտարարագրի վրա նշվել է հայտարարագրի ընդունման համարը և ամիս, ամսաթիվը (թիվ L 21470): ՀՀ մաքսային օրենսգրքի 25-րդ հոդվածի համաձայն՝ «Ներմուծում՝ ազատ շրջանառության համար» մաքսային ռեժիմը կարգավորում է ապրանքների և տրանսպորտային միջոցների ներմուծումը Հայաստանի Հանրապետության մաքսային տարածք՝ առանց հետագա արտահանման պարտավորության: Մաքսային այս ռեժիմի շրջանակներում օրենքով սահմանված չափով և դեպքերում գանձվում են մաքսային վճարներ: 11.08.2011թ-ի թիվ C 24812 ԲՄՀ-ով «Ներմուծում՝ ազատ շրջանառության համար» մաքսային ռեժիմով հայտարարագրված նատրիումի բիկարբոնատի համար մինչև 13.08.2012թ. ենթակա է վճարման ավելացված արժեքի հարկ և տույժեր՝ սահմանված ժամկետում ԱԱՀ-ի գումարները չվճարվելու համար:

«Հարկերի մասին» ՀՀ օրենքի 23-րդ հոդվածի համաձայն՝ հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը վճարում է տույժ՝ ժամանակին չմուծված հարկի գումարի 0,15 տոկոսի չափով: «Ավելացված արժեքի հարկի մասին» ՀՀ օրենքի 6¹-րդ հոդվածի 3-րդ մասի համաձայն՝ նույն հոդվածով սահմանված կարգով ԱԱՀ-ի վճարման ժամկետի հետաձգմամբ ՀՀ ներմուծված ապրանքների մասով մաքսային մարմինների կողմից հաշվարկված ԱԱՀ-ի գումարները վճարվում են պետական բյուջե մինչև հետաձգման ժամկետը լրանալու օրը, եթե ԱԱՀ-ի գումարների վճարման ժամկետի հետաձգումը նույն

հողվածի երկրորդ մասով սահմանված դեպքերում չի դադարեցվել և (կամ) ԱԱՀ-ի վճարման հետաձգման ժամկետը դադարելու օրվան հաջորդող տասնօրյա ժամկետում՝ նույն հողվածի երկրորդ մասով սահմանված դեպքերում: Սահմանված ժամկետում ԱԱՀ-ի գումարները չվճարվելու դեպքում օրենքով սահմանված տույժերի հաշվարկումը, իսկ հարկ վճարողի կողմից տույժերը հաշվարկված լինելու դեպքում՝ դրա նկատմամբ հսկողությունն իրականացնում է հարկային մարմինը: Մաքսային մարմինների կողմից հաշվարկված ԱԱՀ-ի գումարները վճարվում են որպես մաքսային մարմինների կողմից պետական բյուջե հավաքագրվող գումարներ, իսկ սահմանված ժամկետում չվճարված գումարների նկատմամբ հաշվարկված տույժերը վճարվում են որպես հարկային մարմինների կողմից պետական բյուջե հավաքագրվող գումարներ:

Հաշվարկ՝

Հիմք ընդունելով ՀՀ ՖՆ Արարատյան տարածաշրջանային մաքսատան գանձումների համակարգման և հաշվառման բաժնի մաքսային տեսուչ Կ. Կարապետյանի կողմից կազմված տեղեկանքով ներկայացված հաշվարկը՝ «Բուժիչ չիչխան» ՍՊ ընկերության կողմից թիվ C 24812 մաքսային հայտարարագրով հայտարարագրված նատրիումի քիկարբոնատի համար ՀՀ պետական բյուջե ենթակա է վճարման **459 743 ՀՀ դրամ** տույժ՝ հետաձգված ավելացված արժեքի հարկը սահմանված ժամկետից ուշ վճարելու համար:

Ելնելով վերոգրյալից և ղեկավարվելով ՀՀ մաքսային օրենսգրքի 25-րդ, «Ավելացված արժեքի հարկի մասին» ՀՀ օրենքի 6-րդ, 6¹-րդ և «Վարչարարության հիմունքների և վարչական վարույթի մասին» ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. «Բուժիչ չիչխան» ՍՊ ընկերությունից հոգուտ պետբյուջեի գանձել **459 743 ՀՀ դրամ** տույժ՝ հետաձգված ավելացված արժեքի հարկը սահմանված ժամկետից ուշ վճարելու համար:
2. Որոշման մասին օրենքով սահմանված կարգով տեղյակ պահել «Բուժիչ չիչխան» ՍՊ ընկերությանը:

Որոշումն ուժի մեջ է մտնում այն ստանալու պահից և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատարարության օրենսգրքով սահմանված կարգով վարչական դատարան:

Որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Մաքսատան պետ



Ա. Պապյան